



"Bersyukur dapat tempat di ASPer UPM" – Muhammad Adni tekad raih PNGK 4.00



Oleh: Noor Eszereen Juferi
Foto Oleh: Muhammad Syuqqree Mohd Dain

SERDANG, 26 Jun – “Peluang menyambung pengajian di Universiti Putra Malaysia (UPM) merupakan satu rezeki yang amat saya syukuri. Saya berazam untuk belajar bersungguh-sungguh dan memberikan yang terbaik,” kata Muhammad Adni Yusuf Mohamad Kamal, 18, yang berjaya melanjutkan pengajian dalam Program Asasi Sains Pertanian (ASPer), Universiti Putra Malaysia (UPM) bagi sesi akademik 2026/2027.

Anak kelahiran Teluk Intan, Perak dan bekas pelajar Sekolah Menengah Sains Teluk Intan, Perak itu berkata, UPM menjadi pilihannya kerana reputasi universiti tersebut yang cemerlang dalam bidang sains pertanian dan perubatan veterinar.

“Selain meminati bidang farmasi saya turut berhasrat melanjutkan pengajian dalam Program Doktor Perubatan Veterinar di UPM pada peringkat Bachelor dan universiti ini menjadi pilihan saya sebagai destinasi pengajian,” katanya.



Tambah beliau, dorongan daripada seorang senior sekolah yang kini sedang melanjutkan pengajian di Fakulti Kejuruteraan, UPM turut menjadi pemangkin semangat untuk memilih universiti ini.

“Apabila mengetahui ada senior dari sekolah yang belajar di sini saya rasa lebih yakin dan tidak berasa keseorangan untuk memulakan kehidupan sebagai mahasiswa di kampus ini,” katanya.

Muhammad Adni berkata, beliau juga tidak sabar untuk menerokai kehidupan di ‘Menara Ilmu’ ini serta mengenali rakan-rakan baharu daripada pelbagai latar belakang.

“Saya berharap dapat menimba ilmu, membina persahabatan baharu dan menyertai pelbagai aktiviti yang dapat mengembangkan potensi diri sepanjang berada di sini,” katanya.



Mengulas mengenai perancangannya sepanjang mengikuti pengajian di ASPer, UPM, beliau berazam untuk belajar bersungguh-sungguh dan menasarkankan Purata Nilai Gred Kumulatif (PNGK) 4.00 sebagai persediaan merealisasikan impian menyambung pengajian dalam Program Doktor Perubatan Veterinar di UPM.

“Saya berharap dapat memberikan komitmen sepenuhnya dalam pelajaran, memperoleh keputusan cemerlang dan seterusnya mencapai cita-cita menjadi doktor perubatan veterinar,” katanya.

Other News

 UPM, National Taiwan Universit...
[Read more »](#)

 UPM cungkil bakat matemati...
[Read more »](#)

 Unity Fest satukan mahasiswa...
[Read more »](#)

 UPM Perkasa Pelajar Sekolah...
[Read more »](#)

 UPM anjur Program Zakat:...
[Read more »](#)

 Young Scientist Day 2026 lahirka...
[Read more »](#)

News Archive

Latest

Year

- 2026
- 2025
- 2024
- 2023
- 2022
- 2021
- 2020
- 2019
- 2018
- 2017



Universiti Putra Malaysia
43400 UPM Serdang
Selangor Darul Ehsan
Malaysia

+603-9769 1000
pspk@upm.edu.my

Media

- News
- Article
- Video
- UPM in the News
- Document

Contact Us

Feedback

Others

- UPM Holdings
- UPM Plate Number
- Give to UPM
- Tender and Contracts
- Ministry of Higher Education
- UPM AI HUB
- Sustainability@UPM